



25. juli 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

UKA 2016/55-p suliarinerani Naalakkersuisut peqquneqarput meeqqanut suli atualinnigitsunut perorsaanikkut inerikkiartuutaasut neqeroorutit pillugit pisariaqartitsinermik misissuineramik aallartitseqqullugit tassunga atatillugu Naalakkersuisut pilersaaruteqarnerlutik misissuineramik inaarsinissaminut aamma taamaassimappat qaqugu misissuinerup inenera Inatsisartunut saqqummiunneqarumaartoq Naalakkersuisut naatsorsuutigaa?

(Inatsisartunut ilaasortaq Malene Vahl Rasmussen, Demokraatit)

Tunngavilersuut

UKA2016/55-p suliarinerani Inatsisartunit allannguutissatut siunnersuut akuerineqarpoq, tassani Naalakkersuisut peqquneqarput meeqqanut suli atualinnigitsunut perorsaanikkut inerikkiartuutaasut neqeroorutit pillugit pisariaqartitsinermik misissuineramik aallartitseqqullugit

Allannguutissatut siunnersuut akuerineqartoq imatut nipeqarpoq:

Inatsisartut inatsisaat nr. 16, 3. december 2012-imeersoq tunngavigalugu meeqqanut perorsaanikkut inerikkiartuutaasumik paaqqinnittarfinnik angajoqqaat pisariaqartitaviinik misissuineramik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi qulaajarneqassapput 1) illoqarfinni/nunaqarfinni neqeroorutit peqareersuni aamma suli peqanngitsuni pisariaqartitsinerit aamma 2) paaqqinninnsamut neqeroorutit atorneqanngitsut iliuuseqarfiginiarneranni kommunit unammilligassaat. Misissuinerup inernerissavaa pitsanngorsaatisannut kaammattuutissanik arlalinnik saqqummiussineq aammalu misissuineq kingusinnerpaamik UPA2018-imi Inatsisartunut saqqummiunneqasaaq.

Siunnersuut akuerineqarmalli Inatsisartunut qinersisoqarnikuuvoq aamma Inatsisartuni aalajangerneqartumut taamaasillutik Naalakkersuisut qilersorsimajunnaarnikuupput. Inatsisartunullu nalunaarutigineqarnikuunngilaq Naalakkersuisut pilersaaruteqarnerisut misissuineramik inaarsiniallutik aamma taamaassimappat qaqugu misissuinerup inenera Inatsisartunut saqqummiunneqarumaarnersoq.